

澗

泉

集

七

卷一

序

一

二

膳錄舉人臣范翔集

膳錄監生臣俞錫玉

欽定四庫全書

澗泉集卷十一

宋 韓澆 撰

七言律詩

經山

十一日比年寺火獨遺國一和尚塔院及明月也耳他皆再建者

明月池頭國一禪殘僧依舊占三椽薰風正綠門前樹
積水都清澗下川坐斷千峯因底事身輕百劫本何緣
與有客來臨久齋罷茗盃香散烟

平山

章泉粥罷上松闌野逕田塍直復彎
迫晚詩翁來款曲
同時坐客亦躋攀誰云身外無窮事
自是人間有許閑
夢兀篴輿忘遠近午風晴日已平山

山靜

山靜不嫌雞犬聲閒身隨意了陰晴
柴扉終日其誰問
梅逕有時還自行一曲澗流雖淺澹
數株花蘂甚分明
牀頭周易初無恙酒困茶醒底用情

山林

山林終日掩柴門近聽風聲遠對雲粗有稻梁供伏臘
尚憑雞犬報朝暉氣非身外無存想書在眼前多見聞
客至不勞閑酒食一甌茶炷一爐熏

葛洪川

葛洪川畔試尋詩圓澤精魂世孰知但見野僧相指點
獨憐游子轉傷悲湍流澗水侵苔蘚磊落山嵒拂樹枝
我亦賞吟風月爾人間今古信如斯

二十八日宋家泉頭

每逢泉石必從容閒過吾廬絕澗東簸弄泓澄看砢礪
盤旋窈窕喜蒙籠近村欲雨無斜日遠岫歸雲有陣風
白酒釀成誰酌我濯纓洗耳不須同

春泉

幽伴無人話采樵老身何處可逍遙閒當曉徑誰爭席
間或春泉自一瓢煖霽欲銷遲日在輕風徐起亂雲颺
才情今古能多少未必巢由不見堯

山行

家住踈踈短短籬並山支徑自登躋寒雲四垂天慘慘
老木環鎖風淒淒身從荒園叩古寺眼暗孤城帶清溪
尋僧與客少談勝興罷歸來烏夜啼

初八日登前山獨坐久之

陰陰秋與白雲浮山近林深上上頭千里纔成萬家邑
百川分繞一方州其間雞犬微茫處此外鷗鵬莽曠遊
明日黃花是重九更尋橋月看溪流

夜同處晦霞山

案詩三首一見五
律一見七言絕句

春來不道梅花好古觀荒林並晚晴一一枝間見生意
重重影外落寒聲酒因人勝舒徐飲詩待客吟蕭散成
扶盡墟煙橫野水暗涵深綠起踈明

次韻晁仲二同倉使遊靈巖

使華春入梵王宮彷彿工顰在眼中邂逅五湖應自適
縱橫七國漫爭雄一時賓從歡無極千古興亡恨莫窮
空鎖靈巖舊蹤跡畫船贏得滿篙風

同昌甫遊瑞應峯一宿次韻

十載嘗同望此山雅懷幽意頗相關
豈期苔竹隨公去應笑錢塘見我還
洗夢唐人詩句裏驚霄前哲石碑間
秋風古寺一盃酒老覺心情只欲閒

過南礮

艤舟溪岸入山居步穩秋原木影疎
盡日極知無市井此身終是樂樵漁
鳥聲自占庭前樹嵐氣時侵案上書
尊酒故人情味別留連應喜到門初

自永豐玉山回宿南礮

章泉風日來時路烟雨南隴歸去時已過重陽猶菊蕊
又將十月忽梅枝周遊放浪家家酒展轉流連處處詩
信道山間深更好儘閒尤與老相宜

初六日歸汎南隴已三鼓矣

乍涼天氣翠煙霏多少林花露未晞十里幽香秋醉去
一溪新月夜吟歸豈無僧舍居高遠定有人家在隱微
夜半鶴鳴猿嘯冷灘聲鳴遶釣魚磯

二十六日送曾守遇伯輝於南隴

周瑜隱地春曾住秋以為期玉斗遊只道參差無此適
要知拓落有何謀經行二姓忽相聚輾轉一身終自由
四樹木樨花正發幽香隨處且忘憂

晦日衝雨過同官趙大小樓眺望江山

一樓煙雨更橫江吳越蒼山入混茫霽色未分無遠樹
潮聲初過有歸艍檐楹高處閒登眺市井中間任迫忙
日日癡兒了官事暫時相賞試持觴

登一杯亭

當年丞相一登臨
酒畔崢嶸萬古心
重整乾坤歸廟社
却留歲月在山林
荒尋野閣甘棠蔽
名占高臺峴首深
見說治中新築就
肯堂三歎有遺音

旄麾誰不典方州
何事邦人記昔遊
時令縱非名轉盛
靈山如畫水西流
吾儕只得詩模倣
爾輩焉知酒拍浮
却憶環滁最佳處
醉翁亭子至今留

飯後乘日過東家

霜晴已是探梅時
野趣軒茶更合詩
才出門來唯獨往

不看山去亦何知試聽石瀨無塵滓如覺林梢有好枝
心與眼明知興熟朗吟惟老轉相宜

十三夜攜杯浮橋看月

一輪秋月到天心此夜全無雲片侵雅靜每於閒後見
孤高難向闌中尋漸圓漸好形神正愈大愈明精氣深
最是溪間波影裡金光搖動玉沉沉

十一日郡守飯靈山閣夜坐新浮橋月中

使君襟抱中秋月閒飲賓僚醉野人倒載去尋高閣古

落成未試一橋新
山城明歲當回首
雲路茲時好發身
喚起嫦娥駕輪玉
不知何處著纖塵

十三日方齋

麥秋蠶月雨收晴
城郭山林到處行
不是惜春尋小醉
忍教投老轉多情
啼鵲渺渺翻梁燕
夢蝶蘧蘧出谷鶯
記取招邀一杯酒
與君宜戲也宜驚

捉得春風住三日
明年依舊百花香
酒盃滿後同誰飲
詩句成時只自狂
金縷聲銷非幻景
玉華煙散任仙鄉

靈山翠滴水溪水只這閒情話更長

上乘寺

禾黍登場秋已深暮天寒日起層陰不論世路有夷險
但覺此心無古今黃帽青鞵聊自適高山流水付知音
解鞍野寺黃昏後犬吠疎籬鴉滿林

上富春灘

喚得扁舟一葉輕釣臺波上夕陽明固宜煙鳥知人意
只為雲山識我情蓬日午前雖較熱帆風晚後却尤清

吾廬更在楚溪口歸卧北窗聽竹聲

十六日至章泉水

山愈深時地愈高春尋積李散崇桃
林廬但覺無塵話
田里那知有載醪華髮蒼顏俱老大
清泉白石更周遭
常年每厭居城郭時復從翁敢憚勞

溪行

突兀荒荒漫挈瓶泓澄窈窕且揚舲
隔山鷄犬三家聚
近水魚蝦一岸腥說夢休誇巫峽賦
移文何愧草堂靈